

西域圖志



西

成

圖

志





欽定皇輿西域圖志卷首二目錄

天章二

恭奉

皇太后啟蹕幸避暑山莊之作

有序

懷柔縣

山莊燈詞八首

卽事

冬至次日啟蹕再幸避暑山莊卽事言懷

有序

恭謁

景陵敬成長句

有序

恭謁

泰陵

有序

屢聞西師所指降歸者衆七字成詩一篇示志

平定準噶爾告祭

太廟述事

平定準噶爾功成恭上

皇太后徽號御殿受賀詩以言志

六月十八日午門受俘

恭奉

皇太后幸塞外啟程之作

有序

駐蹕避暑山莊作

熱河啟蹕幸木蘭之作

萬樹園燈詞

定北將軍班第遣人解達瓦齊至御午門受俘

冬夜懷軍前十四韻

有序

新正小宴外藩

頻聞



二月十三日啟程躬祭

關里適以是日逆賊阿睦爾撒納就擒捷音至理宜  
躬詣

祖陵叩謝因以路便命改程先謁

泰陵俟曲阜回蹕敬當往謁

孝陵

景陵七字成詩一心誌慶

黃新莊行宮疊去歲韻

恭謁

泰陵

涿鹿行疊去歲韻

南苑行宮疊舊作韻

有小序

恭謁

孝陵

恭謁

景陵

御園卽事

免甘省諸郡正供詩以紀事

三  
目錄

嘲劉統勳

逆賊阿睦爾撒納奔竄哈薩克我師采入追捕雖  
屢戰勝而賊踪益遠因念絕域曠時不欲久勞  
師旅宜諭撤兵詩以述意

出師

新春小宴外藩

降旨免甘省本年額賦並積欠詩以誌事

涿鹿行再疊舊韻

紅杏園再疊前韻



詣

闕里瞻拜

五更

大西門樓前較射疊舊作韻

有序

冬日視朝

西陲

俄羅斯驛致叛賊阿睦爾撒納死屍信至詩以紀

事 有序

西師

卽事

駐行營

仲冬南苑大閱紀事

苦衷



欽定皇輿西域圖志卷首二

天章二

恭奉

皇太后啟蹕幸避暑山莊之作

有序

溯豐鎬發祥之地靈萃萬年憶椒薌躬薦之秋星

周一紀載瞻

祖烈祇謁

丹丘爰諏日至之上旬適度天中之令節敬扶

安輦暫駐山莊時則準噶爾部策凌策凌烏巴什等率

衆來歸迎變肆覲用卽卷阿之勝境錫茲湛露之鴻  
儀迨夫候居金韉迺復時巡東國禮因事舉詩以  
日增啟蹕初程命篇伊始

追遠柔遐慶典覃天中卜吉啟行驟東巡五載茲惟

倍前以乾隆癸亥至盛西極四夷彼剩三準夷四部

曰都爾伯特曰和碩特曰輝特策凌等則都爾伯特部也計里方欣日正永清塵

喜值雨露甘山莊避暑今年信

家法欽承敢卽耽

懷柔縣

此役是懷柔

七月自避暑山莊啟程往吉林塞外候寒於行邁為宜且早至旬月者實以宴

賚新歸誠之都爾伯特台吉等彼皆未出痘故不可令至京也

因之度古州山川繚

似繡禾黍綠如油絃誦牛刀試布韋鴻漸求前朝烽

堠在何事守徒修

按是歲都爾伯特台吉策凌等。綽羅斯部台

吉噶爾藏多爾濟。輝特部台吉阿睦爾撒納

等。先後入

覲。賜宴封爵。均紀

宸什。並恭錄後封爵門。他如歌詠戰功之因地以著



者。登疆域山水門。賦物諸什。登服物土產門。其統論全局。未宜分載者。則彙登卷首。茲於前卷。既恭錄

天章總目。而卷首四帙。暨圖考以下諸卷。仍敬謹分載。以崇體要云。

山莊燈詞八首

傍晚山雲靜碧空。芳園萬樹幕當中。鑲鋤君長新來。享應許觀燈示大同。

火樹騰輝映綠雲。鳳簫聲應鹿鳴聞。御園節景年年。

賞誰識山莊迥出羣

巖風入夕覺輕寒五月煙花快意看更向慢城舉首  
望錘峯早挂玉輪團

玉蛾火蕊勢飄蕭借助林巒落翠標今歲不惟逢閏  
月都稱閏得上元宵

玉塞天關不礙月雲莊夜靜恰宜燈法輪輝朗空王  
現膜拜殊勝碧眼僧

何必夏惟方夜短果然燈與月爲緣黃沙青海胥來  
賀湛露薰風普預筵

龍膏鶴燄光明藏翠柏青楓澹蕩宵嘉客欣看千帳  
會詞臣漫詡九瀛朝

倒梳吞刀百戲陳昇平歌裏踏燈輪重裊列坐歡情  
洽底用通言藉舌人

卽事

宵衣報到軍書來遠人歸服萬帳偕安之榮之滿彼  
懷更籌游牧俾宇恢次第指揮疇咨妥中樞草諭詎  
待坐平原獵騎已久延草淺兔肥試馭娑須臾馳呈  
諭草看據鞍筆削靈辭瑣因思陸賈有名言馬上治



之邽又可

冬至次日啟蹕再幸避暑山莊卽事言懷

有序

粵惟今夏序屆天中當西渠來觀之辰適東國時

巡之會爰臨仙館慰彼瞻依廣錫崇封沛予膏澤

繼而西藩部長歸誠而均顙來同

時輝特台吉阿  
睦爾撒納等和

碩特台吉班珠爾等  
均率其屬款關內附時乃豐邑

祖陵展謁而方勤遠駕念彼生於邊塞入都則痘症足

虞因而再幸山莊頒賚而燕衍斯溥次惟三宿期

匝一旬良由典重

金定皇興西垣圖志 卷首二  
郊禋居一陽之來復更以節逢

慈慶祝萬壽之無疆茲惟時哉不遑暇處無非事者用  
示懷柔長句述情新篇紀事

夙識義經不省方和鸞却事幸山莊惟欽昨始禋

穹昊必告朝還謁

壽康澤逮新歸盡鳧藻勞因屢駕塵龍驥懷柔要豈耽  
遊豫戎索方籌永奠疆

恭謁

景陵敬成長句

有序



皇祖陟遐於今三十餘載每謁

景陵追溯

音容不勝感痛今歲適有西師之役蓋準夷自

皇祖時恃其險遠鴟張絕漠比遭篡奪部衆分奔內屬

者襁至踵接因命帥師徂定仰藉

鴻庥敬成

夙志祇申默禱紀以長言

比歲來瞻匪事頻吾衷有願此虔申

音容日遠仍如昔松柏雲森又報春伊古

一人信巍蕩大清九寓盡臣民西師欲葳

當年志還冀

鴻庥奠漠垠

恭謁

泰陵

有序

準噶爾自

皇祖時策妄阿拉布坦恃遠跳梁卽已命將致討我

皇考欲繼

前志議以兩路進剿適值噶爾丹策凌方肆鴟張未及

翦盪旋卽罷師踐祚以來亦惟置之度外羈縻而  
已比者達瓦齊篡奪頻仍諸部瓦解名王部落接  
踵內屬機不可失義有必伸爰命大臣統新附之  
衆益以八旗良騎分路致討冀以仰成

皇考未竟之緒祇謁

山陵祈垂

默佑云

橋山儀樹鬱蔥然

憑几悲深忽廿年承



昔懷柔綏月竊逮今歸順接祁連乘時欲事日中夔命

將因寧漠外邊

先志竟成何敢必尙希

景佑奏功遄

屢聞西師所指降歸者衆七字成詩一篇示志

救寧西極用偏軍

天與人歸敬受欣每至夜分遙檄問所希日繼喜音聞

有征已是無交戰率附常稱不變芸

晴雨藏多雨濟等率屬來歸僉

云大兵過時我屬人等仍照常耕種誠心向化

籌畫

兩朝光烈在觀揚惟謹敢云云

平定準噶爾告祭

太廟述事

告成蠲

祀異嘗蒸

太室薰風瑞靄凝梗化昔延六十載

準噶爾部自策妄阿拉市坦於

聖祖時特遠賜張厥後纂統頻仍逋誅者六十餘年矣

懷恩今挈百千朋伊犁

遼阻奚堪恃

列祖威靈寔式憑久計永安方厯念敢因葺事忘兢兢

平定準噶爾功成恭上

皇太后徽號御殿受賀詩以言志

從來西北不庭方戡亂聊攜數月糧何必先驅張撻

伐早知載道迎

去聲

壺漿遐荒底定千秋晏

徽號欣承愛日慶豈不慰思寧卽慰訓垂文子懼方長

六月十八日午門受俘

雷霆申宿令

是夜大雷雨  
曉卽晴霽

闐闐受新俘詎乃恩全備

巴期孟克忒木爾去年隨都爾伯特親王  
策凌等歸化者至六月間二人乃叛去

安能誅竟



逋

羅布藏丹津雍正二年反去者我師至伊犁彼卽請降以事既久赦而弗誅

緝凶新附

奮

巴朗等皆新降者

宥命舊奸瞿

謂羅布藏丹津

白練陳班

末雙頑肆市衢

謂巴朗孟克忒木爾

快晴

天意順大禮衆情愉益切欽心鏡永懷鞏帝國

恭奉

皇太后幸塞外啟程之作

有序

西戎底定素節方臨將宴凱旋之師亦賜新歸以  
爵載塗者有需時日乘暇而先舉獮蒐覲謁便以  
木蘭燕衍仍於山館匪効上林之爲周陸繁重爰

示我朝之度振古如斯用志言懷無非事者

晴日金風發蹕旌武成愷樂愜輿情分茅有待均頒

惠橐矢方將大會盟萬里伊犁朝北極三秋多稼閱

西成

安輿可識增欣豫

福壽駢臻算介瀛

駐蹕避暑山莊作

中外而今果一家止戈奉朔邁流沙兩臨先是曾施

惠

去歲都爾伯特台吉策凌等來歸以五月宴於山莊比輝特台吉阿睦爾撒納等繼至十一月再至



山莊  
錫宴

大賚茲番永定遐雲館桂芳秋正半山田黍熟

歲云嘉勤民繼

武願俱愜惟日孜孜敬益加

熱河啟蹕幸木蘭作

數日山莊慶典循木蘭時屆鹿牲牲

白露後鹿始出  
聲而鳴人肖其

聲可呼而至國語曰木蘭  
今卽爲圍場之通稱矣

囊鞬早候一千騎

蒙古備  
圍例以

一千二百  
舉成數云

村落都看三百困向北添衣涼益峭自西

馳牘喜猶頻

新降衆台吉將至哈薩克  
近亦有遣使歸化之信

今年秋獮增

佳話曰有條枝執鞞人

諸宰桑有命爲  
侍衛供役者

萬樹園燈詞

舉首鍾峯月正圓  
蓮花萬樹爛輝鮮  
乍教秋夕成春夕  
共道今年勝去年

鱗得鈞耆昔受盟  
賜觀燈事沐光榮  
綽羅斯氏彼中貴  
共拜新恩奉大清

底須節物玉梁糕  
菊酒纔過興尙豪  
四面雲山絕頂處  
勝他元冑共登高

黃幕穹廬向遠開  
燈光月色共徘徊  
紫霞滿酌親分

賜毳服儒冠雜逕來

內外蒙古汗王台吉以次召至  
御前賜酒內廷詞臣亦得與賜

烟火三番萬樹園

去歲夏宴都爾伯特冬宴輝特和碩特今始合四部衛拉特而封以

汗王各爵

銀花高下玉蛾繁今宵未弛金吾禁

自九月十三至十五

凡三夕

都道居然度上元

蛭膏鶴燄千重艷雞踏龍銜萬種奇最愛鹿鳴青嶂外分明鼓瑟譜周詩

照夜華鐙陳雁塞借春碧海戴鰲山彩箋書得新詞就賡韻還催侍從班

九月龍堆了不寒金鳧銀燕萬枝攢恩膏永欲遐方被宴賞寧尋一已歡



定北將軍班第遣人解達瓦齊至御午門受俘

鴛瓦繽紛積瑞銀受俘軍禮舉重新 今夏獲叛臣巴助曾御門受俘

丹墀羣辟齊肩侍白組名王繫頸陳

天德好生還貸死 達瓦齊雖虐亂準噶爾部實未敢犯我戎索故特寬其死祇令幽繫都中

海濱多蹇又逢屯 準噶爾部邇年屢遭兵燹今俘致達瓦齊意謂自今畧定不意阿睦

爾撒納負恩潛逃雖不日成擒而目下窮夷不免沙蟲之嘆 刑曹憲典聊遲待 例應

兵部奏獻俘囚後付刑部行刑以赦 指日歐刀剗叛

臣

冬夜懷軍前十四韻 有序

今年夏五月大兵定伊犁獲達瓦齊盡撫準噶爾  
之衆振旅策勳燕諸台吉於避暑山莊阿睦爾撒  
納遷延途次潛遣人給取其拏約日颺去朕預有  
旨命駐烏里雅蘇台大臣防備阿睦爾撒納計不  
行乃獨身竄燭其黨斷軍臺思乘間擾諸部爰命  
西北兩路兵進剿諸部嚮應雖叛人可計日就縛  
而居此嚴冬勞我師旅中宵厯念愍焉不能安寢  
撫事杼懷以遣永夕

千軍踰老上五月定伊犁盡撫準噶

平聲

爾生擒達瓦

齊成功真太速居盛戒無倪天道滿招損人情利致

迷樊崇降頓悔啣拜志全攜狼子心終野鷹雛飽不

棲傷心緣失楚伊犁既定阿睦爾撒納凱得為總台

因分封四衛拉特為嫌畏已連氏阿睦爾撒納初叛

望風疑畏為所煽烏合知難固蠻封況各提阿睦爾

無所歸有謂欲奔哈薩克布魯特者諸王師因示討

義問豈應稽念彼荷戈者仍吟擊鼓兮雪山經岨崕

鐵甲臥寒淒為此心常惻靈能樂獨禔馳書憐驛馬

問夜達晨雞露布重殷仁永清綏狄鞮



新正小宴外藩

一家中外逮渠搜三接從來禮數優朶朶綵雲成瑞

字灑灑霑露泛春筵肆筵每先去聲上元節列席教陪

歸義侯達瓦齊加恩封以王爵凡宴會皆令預之行慶底知心喜處卽看

積玉滿峯頭

春園節物始妍和綵服華茵嘉客多桂核蘭湘方授

几花雲藕樹未分科毋俾底藉賓筵什易解教翻牧

馬歌樂部笛吹樂章中有牧馬歌蒙古曲也是日奏之遠使堪嘉知悔過也

令預宴沐恩波伊犁台吉宰桑等悔罪請擒賊自贖遣使輸誠是日使臣適至亦令入宴

頻聞

頻聞西師信脅從勦撫多

阿巴噶斯諸部脅從者勦其渠魁而撫其餘衆所收

人畜甚夥

渠魁就獲否遲待音如何華鐙縱酬節萬里懷

枕戈情知天助順衆憤惟么麼塗炭其鄂拓猳猱其

綽羅

阿睦爾濟迤知爲衆所共憤計無復之乃不得已率

所屬來歸幸竊恩遇

飢鷹忽來投恩顧曾無過封狼終竄去曾

匪嚴辭詞本意攘四部事逆理則那恃計計今窮實

賴三窟窠獨厪王臣勞浹歲契闊歌更念歸化人游

牧廢寢訛佇俟紅旗遞集塞馳明駝

蒙古地馳驛皆以駝

雪嶺



兵氣銷瀚海春風和

二月十三日啟程躬祭

闕里適以是日逆賊阿睦爾撒納就擒捷音至理宜  
躬詣

祖陵叩謝因以路便命改程先謁

泰陵俟曲阜迴蹕敬當往謁

孝陵

景陵七字成詩一心誌慶

撫定伊犁功慶成告功

闕里此涓程胡為背德圖專地卒致生擒遞捷旌數

日紆途近申謝

二陵遙望迴懸誠

祖功

宗德叨鴻佑益切冰淵戒滿盈

鷲性安能飽竟颺遠夷亦自識綱常

時將軍策楞帥師深入諸部為

阿睦爾撒納煽動者舉悔從逆之非都爾伯特台吉伯什阿鳴什率庫本諾音台吉諾爾布等協力致討

賊乃就殺虛傳三窟藏身譎實許千廬悔罪良肯使游魂

潛釜底窻同飛鳥歎弓藏

上年畧定伊犁阿睦爾撒納為副將軍功成寵賚甚

渥方召赴山莊錫宴而逆賊反覆性成潛萌為四部  
總台吉之志所圖不遂乃中道叛去脅其黨為亂卒

誅底於  
欽承

天貺慰還懼魚海龍堆日月光

黃新莊行宮疊去歲韻

去歲命貞師邀庥敬謁

陵功成信云速而何乖變生討叛重致誅虎旅踐王庭

鼓勇合衆力露布傳紅旌瀚海銷兵氣天弧靖狼星

蒙

佑申素悃吾寧漫改程



恭謁

秦陵

載戢干戈弓矢橐春風露布捷旗高祖求遂得元兇  
繫耆定端惟

聖澤叨保大今猶籌撫恤詰戎昔尙憶勤勞葳功成  
志遑云幸戒滿持盈勵自操

涿鹿行疊去歲韻

采旄重臨凹字城獻功將爲在泮行去年過此師方  
出尙憶興寄軒轅明鶻翩其集鷹亦飽狡焉颺去自

云好由來

天道本禍淫險遠安能恃奸巧檻車纍致應自尤腆顏

猶詡懷恩稠

阿睦爾撒納叛後猶上奏乞為四部總  
台吉署銜尚稱定邊左副將軍雙親王

奏中多受恩圖報語 露布正到啟程際叩

陵途為三日留天涯盡處銷兵氣干戈包以虎皮收千

村耕牧本無事行因釋奠文教修

南苑行宮疊舊作韻 有小序

孔林告祭禮成旋蹕展謁

孝陵

景陵由趙北口取道而東經臨南苑遷次逾宿循覽舊

題感時觸緒輒仍原韻用述近懷

離宮信宿重關情綈几芸編觸目清詎料鹿蠹仍計

詐尙教頡利待擒生

起變日西路軍營馳報擒獲阿睦爾撒納露布蓋據以告者乃

逆賊緩師之計也已而策楞等知其為詐督兵速進刻期往擒

驅除已奏伊犁定

初阿

睦爾撒納潛跡伊犁聞大兵至乃遁去喇嘛人旋轉衆來迎策楞等遂以二月二十四日收復其地

終歸絕域平

謨烈在天祈默佑

橋山東望薊雲橫



恭謁

孝陵

風雲環衛是先天松栢陰森近百年一脈

精神孰知遠萬方基構況承

前玉衣石馬驚霜露瑞嶺祥峯切顛烟耆定遐荒藉  
鴻佑持盈思永益乾乾

恭謁

景陵

三征我武輯寧夷一面姑寬順應時奠遠庶因愉

素志告成敢以達衷私

音容三十四年隔

德澤千百萬禳垂不數斯來緣有事不疏每到迥含悲

御園卽事

山亭水榭報清和踰月流光迅若何樹試綠陰方張

王二字花留紅意亦婆娑亡魂縱是逃獫狁獲醜惟

應待落那叛賊阿睦爾撒納竄入哈薩克界計當也

識事難期盡善洗兵志在挽天河去歲平定伊犁而

叛歸煽惑伊犁宰桑喇嘛等亦有附彼為亂者已而  
衆知悔過欲擒彼贖罪又以衆志不齊竟致竄逸今

我軍既至伊犁大局已定特以窮極遊魂未即致俘而大兵又不可遽撤為可憊耳

### 免甘省諸郡正供詩以紀事

上年平定伊犁西北兩路軍需採購輸輓率資之甘涼肅諸郡邑邊氓誠惓服勤有足嘉者用免本年應徵正供以恤勞勩

西北屬有事用兵非得已然非翦勁敵討逆執醜耳

特以道路遙兼之乏任使

伊犁用兵在朕左右贊襄運籌者惟大學士傅恒一

人闔外之寄前後所用往往過於選懦昧於機宜而屢致債事殊為憤懣朕於始事即為之躊躇審顧不

欲辦理者以此遂致彼遊魂猶然延釜底屈指初十征逮今



復伊犁叶一年餘數月士卒亦勞止士卒用新附及  
八旗弟子芻餉皆採購輸輓計價與叶豈如新安吏  
黠兵括鄉里猶念購與輓究資民力矣邊郡風樸淳  
服勤誠足美用免惟正供休息自今始伫待獻逆俘  
歸馬中外喜

嘲劉統勳

劉統勳以協理總督轉運軍儲駐巴里坤逆賊阿  
睦爾撒納之叛煽阿巴噶斯哈丹等擾我臺站將  
軍永常聞風恇懼自木壘退師巴里坤劉統勳輕

信不察率議棄地退保哈密審爾則何以不數月  
間大軍旋收伊犁逆賊亦何至窮蹙遠竄耶朕燭  
照其謬慮搖軍心命褫職治罪今舊疆蕩定逆賊  
指日就縛念劉統勳一書生也軍旅非所嫻且非  
所職設令模稜者處此轉以緘默自全而奮發吐  
露尙知急於公事是其識雖乖而心可諒爰畀以  
原官并拈此嘲之

集賽伊犁歷一過珠崖請棄竟如何我非勤遠惟觀  
火卿誤養奸作止戈究勝寒蟬原所諒堪稱老馬可

無訛犂牛

即駱駝也

騎進陽關矣只恨難為叩角歌

逆賊阿睦爾撒納奔竄哈薩克我師采入追捕雖

屢戰勝而賊踪益遠因念絕域曠時不欲久勞

師旅宣諭撤兵詩以述意

窮寇且莫追天邊命返師一月既三捷

定西將軍達爾黨阿等殺

賊於雅爾拉罕巴巴大敗遁去又殺賊於伊什爾罕

副將軍哈達哈等殺賊於臺哈薩拉克山阿布賚大

敗走兩路將軍旋以屢戰馬疲請暫退師明春再行  
進勦而朕先是已降  
諭旨命撤師故從之  
贖武寧爾為伊犁新奠定四部

待休滋脫免丹津似會看俘闕時

青海羅布藏丹津竄入準噶爾者三



十餘載上年平定伊犁獲之獻俘闕下

### 出師

出師在何所仍在西北荒渠魁既未獲醜逆因跳梁

留處軍原寡計月輸餼糧協力翦渠羽中路乃乖張

反戈忽內向百騎曾奚當

噶爾藏多爾濟報將軍兆惠以巴雅爾槍擄人畜請

發兵協力共勦兆惠因遣將軍和起調札納噶爾卜

等諸部落協擒巴雅爾而札納噶爾卜哈薩克錫拉  
餘人以眾寡不敵遇害

犯臺奪軍食遂致大獬狷

迴思去年來饑賑亂與康誰知煦嫗恩不足懷豺狼

我直彼則曲六師宜張皇以正討兇亂言順氣倍強

勁卒簡子弟召募非編氓叶儲胥發帑項賦役非加  
 常其間或雇賃仍令計價償究不無勞民寬賦頒十  
 行內安外易攘逆靖順受慶丙夜籌軍機九微對燭  
 光宴樂弗耽盤救寧期久長出師非不得已永言示大  
 方

新正小宴外藩

南巡將啟駕西苑預開筵節景迎元夜恩波例往年  
 情聯新舊客春在鳳凰絃章黻彬儀度誰云裘是纒

叛孽適俘至儁前細鞫情

青滾雅下本和托灰特貝  
 勒世愛恩育去歲北路從

征中道叛歸騰布謗言欲煽動諸喀爾喀朕命親王  
成衮扎布將兵討擒是日俘至卽於宴次鞫其罪狀  
以示諸外藩明與衆棄之之義設如不跋扈一例被恩榮極典伊誰

取圍觀衆莫驚各其勤職守彰瘡有權衡

降旨免甘肅本年額賦並積欠詩以誌事

西陲兵未罷戡亂非不得已儲胥發官帑詎肯征閭里  
究之出諸民豈如無事美去年縱蠲賦今復新正矣  
地瘠貧民良施恩宜在此正供與全豁寬心勤耒耜  
積欠免歷年奚用愁留抵靖外先安內化日春風裏

涿鹿行再疊舊韻



影燈喜爆開郡城民風豐歉覘經行行宮晚景正清  
絕壁詩歲月標分明西征士騰馬亦飽機緣

天

湊時誠好其如審勢乏人為

西師所至仰蒙天佑可刻日廓清而統兵

諸臣各分彼此致失機宜

狼子野心殊詭巧降蕃變亂因畏尤

阿睦

爾撤納巴雅爾等皆因受恩驕恣自  
知罪狀暴著懼懼誅討遂決計叛亂

反面不顧恩遇

稠聲罪致討重整旅肯使偕德殘生留七擒南人不  
復反三年克之鬼方收身此南巡心西海宵衣寧憚  
軍書修

紅杏園再疊前韻

練日巡江國乘春發鳳輦昨歲告武成憶曾於斯館

豈知馳捷旌詭計事後顯去春以伊犁底定親告孔林起變時擒獲阿睦爾

撤納之報適至閱數日乃知叛賊誑言以懈眾志統軍者不審其謬遂馳露布久之屢失機宜迄未擒賊

因正軍帥之罪云三軍賴司命一籌何莫展選將更整旅問

罪王師遣去歲以阿睦爾撤納未就獲故懷觀望加巴雅爾之類者旋復構亂因更命喀爾喀

親王成衮札布為定邊將軍以今春統索倫察哈爾等兵進討諸逆伫待奏膚功勘亂

靖鄙善

請

闕里瞻拜

金定皇朝四庫全書  
卷之二

去歲躬親奠

素王迴程重謁

廟堂皇誰知獻馘翻成偽

去春以上年平定伊犁親  
闕里啟蹕時適得擒

獲阿睦爾撒納之報久之乃知  
策楞等為賊所給輕信妄奏

遂致餘氛更搆殃

逆賊

既未就獲屢竄哈薩克其餘孽呢嗎  
等復與噶爾藏多爾濟糾結為亂

豈礙告成斯定

局曰惟聲罪不庭方

祖功

聖德胥垂佑在泮行歌載戢章

五更



五更軍書至云速六百里宵衣急披閱乃知報捷喜

呢嗎已俘獲並繫其妻子去歲重猖獗禍魁實曰此

札納噶爾布倡和如魚水執魁訊厥踪云亦就拘矣

乃因彼中亂操戈同室裏達瓦及渾齊二台縛獻贖

罪已呢嗎與札納噶爾卜旋為阿睦爾撒納所襲項執呢

嗎訊之則札納噶爾卜又為台吉先是我北軍早擒

巴雅爾亂首大半殲所餘惟二耳哈薩克錫拉組頸

期可指阿睦爾撒納喙息尙逃死斯實魍魎渠亦失

三窟恃阿睦爾撒納竄入哈薩克竊馬遁還揚言哈

薩克助其兵力以煽動逆黨近哈薩克汗阿

布賚遣使稱臣  
約擒逆賊以獻

伫待白練牽絕域兵革弭

大西門樓前較射疊舊作韻

有序

戊辰九月較射於此發二十矢中十有九詞臣齊

召南以七律四首進呈因用其韻勒之壁間次年

己巳孟夏

皇太后御樓觀射是日十中其九破的者三仍用韻紀

事頃秋獮迴蹕九月二十有三日間

安之次引見樓下復命射屢中後懸的最小者亦再破

的適哈薩克使臣列觀班末三疊前韻紀之

朔塞迴變攜貴山扈隨經月六龍間視朝許廁千官

末將以廿六日進宮視朝亦命哈薩克使臣入班行禮駐苑聊乘數日閒問

寢敬趨

慈壽閣亮功敷對鷺鷥班疇咨已罷餘清暇較射令

平聲

觀駢角彎

漏言誰者犯無當跳兔爰爰脫大黃

阿睦爾撒納為官兵追急復投

哈薩克阿布賚留之欲擒以獻而為阿睦爾撒納所覺隻身徒步夜遁

愧我猶然失前

箸示伊空自擅穿楊銷兵惟厯肆時夏懷遠因教觀

國光和議羅父素應守

昔年俄羅斯請和與定十一條內彼此不食逆逃今逆賊



已入彼想彼定當縛送闕下也 待期縛送致封狼

南服災傷重洛嵩慙稱飢溺已躬同盱宵惟亟籌衣  
食支詘何能適矢弓荒服却因至鷄鵠羽林況復侍  
羆熊聯情示度聊親御連中休誇此素工

罷射平蕪一驪鞭山光萬壽正迎前飛樓隱入丹霞  
嶠畫幟衝開碧水天菊放恰疑金布地稻收喜看穠  
遺田陪臣攜賞非驕富愷史傳將自此年

冬日視朝

百寮劍佩集明廷班末陪臣贊謁聆  
是日哈薩克使臣行禮  
黃

道星辰聯畢昴小陽候節靄元冥東鵜西鰈誰分域

琉球使臣適亦隨班叩闕北極南荒一太寧遠服邇安心敢肆敬

天勤政

訓聰聽

西陲

西陲方蕩定卒未得休師勤遠非初意三年乃逮茲  
設能先執領安用屢移碁事順乏人幹乏人責在誰  
西陲用兵非本意具見前記幸成大功斷無中棄  
之理使任事者智勇兼備早誅一阿睦爾撒納則

衆叛惕息必不敢再生事而諸臣屢失事機以致羣孽反覆逆會遠竄勞我師徒於今三年矣準噶爾素稱雄長諸部哈薩克從來未通中國今伊犁旣已平定哈薩克汗阿布賚亦不煩招徠傾心內嚮孰非

上蒼之默佑耶然伊犁耕牧善後與夫一二遺孽尙待勦靖一時不能罷師雖不似古者役民之爲而曉夜運籌自覺勞心亦事之不得已也若夫濟事無人則惟深感愧耳



俄羅斯驛致叛賊阿睦爾撒納死屍信至詩以紀

事 有序

去歲因阿睦爾撒納由哈薩克竄入俄羅斯境內  
執言索取爾時浮議或慮致起邊釁然俄羅斯以  
逆賊素稱兇狡留之以資其力未卽縛送此更不  
可不力索矣因命典屬嚴辭疊促茲以逆賊患痘  
身斃俄羅斯遂傳送其屍修辭遣使以祈永睦蓋  
彼有大圖則不屑守和約而奇貨旣亡則毋寧遵  
舊盟此事理之易見者設使不向取則並此亦不

俘獻矣從此俄羅斯之和好益固準噶爾餘孽攜  
 貳自消而為庸懦姑息之浮言者當自知愧赧撫  
 茲事蹟畧志顛末既以杼因時斷制之懷且用昭  
 示來茲俾知息事因循實不足與語詰戎固圉之  
 道也

聯猿善走更工藏蘇對潛逃又北荒詎識羅父和約

固獻來萬里逆屍殭功如彭寵遼東豕

執達瓦齊之役阿睦爾撒

納原不可謂無功而伊犁既平遂懷攜貳然使任事者能遵朕旨而中事機亦不致僨事三年之久也

心是溫禺天外狼遺孽廓清永砥屬持盈益勵敬皇

皇

早嫌牛腹與鳶肩密旨丁寧敕事先

初命阿睦爾撒納為將軍時恐

其有反心密勅固倫額駙色布騰巴爾珠爾及軍營大臣等言彼不叛則已若露叛蹟當先誅之而諸臣

徘徊遷延遂致兎脫亂弭安能待訛訛禍成因未塞涓涓由來

一勇士之力何致惟姑息以延荒服遵盟歌保定藁

街寧追首明懸

西師

西師歷四載王臣久于役誰無室家心而能忘契闊

始緣趁機動操刀乃必割終以阻遠艱舉碁忌屢易



欲罷又未能永言誌顛末

皇祖征朔漠卽此厄魯特三番整六師狼羣始窘迫策

妄退守巢于以延喙息取馘索賊子惟命無敢逆

爾

丹兵敗仰藥死其子脫身逃竄時策妄阿拉布坦  
鼠伏一隅畏威赧德獻出逆屍不敢容留逆子厥

後漸滋饒遂復劫西域

策妄阿拉布坦逞其詐力勢  
漸強橫計誘拉藏汗以女妻

其長子丹衷襲殺拉藏汗大肆劫畧我師抵西藏其  
長帥大策零敦多卜始引衆歸巢大策零敦多卜卽

今達瓦齊之祖終康熙年間蓋未止兵革

皇考闡

前猷思一勞永逸兩路命大舉帑藏非所惜究因時弗

韓勝敗互軒輊

雍正年間西北兩路駐兵賊以送還羅布藏丹津為名又值西帥入覲劫

竊西路馬羣因藉所獲馬力跳梁北路勢甚猖獗後為額駙策楞擊敗於額爾德尼招幾至匹馬不返而

將帥之臣按兵不追賊眾得以兔脫我武既揚遂有罷兵之議 曰予守

成訓罷兵事安戢稔知賊所恃其長有二術一曰激我

怒勞我眾遠出彼乃邀近功坐緹我物力一曰窺我

邊列堠疲戍卒戍久心或懈彼乃逞陵軼知然明告

彼以主待其客遠兵既罷征遠戍亦罷撥近邊汝或

伺汝遠勞竭蹶噶爾丹策凌聞言乃計緹得失故曉

然求和使來亟來亦弗之拒厚往示恩澤如是終彼

身無事皆寧謐其子曰阿占即策妄多爾濟那木札爾之乳名暴虐

莫可詰用是失眾心相延為篡奪喇嘛達爾濟戕彼

位自襲達瓦齊攘之計蓋由撒納喇嘛達爾濟既篡阿占而奪其位達

瓦齊借阿睦爾撒納奔哈薩克藉其聲援復篡喇嘛達爾濟皆阿睦爾撒納為之謀畫蓋欲自取也綽

羅斯汗族達瓦齊一脉阿睦爾撒納輝特別枝葉時

慮眾鮮從以此綴旒設終不忘伊犁伊犁蓋四衛拉特會宗之地也

煽亂事狡譎達瓦齊弗甘兵連禍相結惟時三策凌

都爾伯特台吉策凌策凌烏巴什避禍來投闕撒納

旋亦歸寵遇圓班列熟籌如許眾雜居喀爾喀如狼



八羊羣幾不遭啞嚙就其力請師毋寧授之鉞爾阿睦

納歸命乞師朕思機既可乘而新降多人若盡處我

略爾略之地終非長策故定議出師遂命阿睦爾撒

班第以往國家全盛時出帑儲胥挈曾弗加賦徭更

未廢賑恤八旗及索倫勁旅多英傑其心盡忠篤其

技善撤援那如杜甫詩慘惻新婚別乙亥我出師一

矢曾未發五月大功成庶以慰

前烈而何狼子心飽揚去飄瞥留語啖衆狙倡亂動戈

戟致我二臣捐驛路肆唐突阿逆潛蓄異謀於達瓦

流言脅衆黨惡之徒倉猝變動班第鄂容安同時

致命疆場賊衆紛紛四出竊占伊犁截斷臺路羣

言益蝟螭無怪懦者怯欲棄巴里坤堅志斥其說整

師重討叛所向復無敵一二畏首尾乃致賊免脫

復進前徒倒戈阿逆眾叛親離成擒在邇乃因將軍策楞參贊玉保等不和又無克敵致果之畧阿賊得

以亡申命事窮追大宛搜三窟於詐應以直殘喘命

得乞 哈薩克汗阿布賽始意欲留阿睦爾撒納大兵已歷其境相隔一谷阿逆自度力不能支因遣

使詭辭稱哈薩克眾即欲擒獻阿逆但其汗阿布賽未到乞暫緩師適以策楞獲罪命達爾黨阿將兵前

往我兵以逆賊在目前爭欲進促而達爾黨阿以為天朝當示以大義彼既縛獻不宜加師力阻眾兵排

徊觀望而賊得宰桑勤王者見此笑以竊遂生輕我

心旋師反又忽 時呢嗎哈薩克錫拉皆以受職從征見達爾黨阿為賊所賣笑其無能自

哈薩克還復生變計與巴雅爾莽噶里克等密謀構亂以害將軍和起計賺我和起奮

勇沙場沒兆惠全師還則予命往接

將軍兆惠以孤軍遠駐伊犁聞

呢嗎等作亂整師東旋中途屢殲逆眾值朕命侍衛圖倫楚等帥師赴援乃得振旅而歸抵巴里坤丁

丑重問罪值彼互殘殺因緣撒納歸遇我竄倉猝

諸將

分南北兩路直指伊犁維時札納噶爾卜殺其叔綽羅斯汗噶爾藏多爾濟欲併其眾尋又為台吉達瓦所殺而獻其首軍門時阿睦爾撒納復自哈薩克逃回伊犁聚眾爭長突遇我師跳身遁跡 富德

躡其後大宛徠汗血稱臣許捕寇寇更逃羅刹

富德追阿

睦爾撒納適值哈薩克之兵而哈薩克畏我兵威稱臣貢馬且誓擒賊自効阿逆知不能免乃奔俄羅斯

俄羅斯一名羅義或曰羅刹

或曰不必追或曰不必索或曰捐伊



犁築室謀紛汨北荒守和議冥誅致賊骨伊犁倡亂

流大半就擒詗初議衆建侯爲撫四衛拉二十一昂

吉公屬掄閱閱

準噶爾厄魯特又名四衛拉特部內有綽羅斯輝特和碩特都爾伯特四

族各領其衆而綽羅斯爲長噶爾丹策凌時設二十

一昂吉昂吉者部落之稱也爲其汗公屬達瓦齊既

予奉

天道好生體

造物詎知彼孽深歷世不可活以其狙詐類誠如向所

畫每歲費豢養終亦背恩蔑是傷我脂膏而育彼羽

翼不如反之速掃蕩今將潔猊猱肆惡流三氏淪亡

歇

噶爾藏多爾濟被殺綽羅斯族殄滅無幾輝特汗巴雅爾亦以叛逆誅殛和碩特汗沙克都爾曼濟

心懷攜貳參贊大臣雅爾哈善  
詞知異謀殲之于巴里坤外

餘都爾伯特始終守

臣節所以至今存耕牧安織殖其廿一宰桑非誅卽  
病歿不善降百殃此理愈昭晰謂禍乃成福致得每  
於失幸以免衆議孰非

鴻佑錫設使司事者惟明更勇決萬全盡美善詎有小

差跌都大承平久軍旅誰經歷益因警宴安求全肯  
過刻先是花門類雜種曰回鶻久屬準噶爾供役納

桎梏羈縻其和卓

噶爾丹策凌先以兵威迫脅回人執其酋長和卓拘繫於阿巴噶斯

之部落以回民分隸各昂吉下而役使之

籠絡其臣妾我師定伊犁乃得

釋縲紲我將縱之歸撫衆許朝謁

和卓初聞大兵西伐獻款輸誠備極

恭順我將軍班第等因縱還故土俾撫取其衆納賦執役

肉骨生死恩感應久不

輟報德乃以怨轉面凶謀黠我將所遣使百人遇害

劇

和卓歸故城後我將軍等差副都統阿敏道率百人往會盟而彼乃設計盡行戕害

是皆奉

上命守義遭臬兀苟不報其讐何以勵忠赤厄魯今

蕩平回部餘波蕞徒以守堅城未可一時拔賈勇誠

易登傷衆非所悅中夜披軍書萬里遙籌策窮荒信



安用弦上矢難遏志因繼

兩朝變豈防一切

蒼靈賴有成浮論靈祛惑開邊竟無已自問多慙德但  
思文子言解嘲守弗諄

卽事

厄魯蕩平回部連止戈畢竟是何年固緣弦上矢必  
發終愧階前羽舞旋勃律正聞踵來接堅昆伫待首  
誅駢山莊行慶暇奚念念到庫車阿那邊

駐行營

今年獵場向迤東崖口外卽行營駐曉涼羣已換旃  
冠背指離宮猶驛路輕驄得得進圍界漸遠村莊多  
野趣四十八家率獵騎囊鞬供役咸來赴牛牟駝圍  
滿谷中乳餅馬潼隨意酤厄魯驚嘆有如是伊犁較  
此難言富山莊幾日陪宴賞宮室衣冠非所諭古來  
北部輕南朝今日歸新原勝故我聞此語心爲怡延  
美孰非

祖烈貽共縉紳士議兵革與介胄士談書詩以水投石  
蒼所警柝鑿弗入共奚疑習勞繩

武益勤懇一家中外綿丕基

仲冬南苑大閱紀事

廿年一舉寧為數

乾隆己未大閱至今蓋廿年矣

周禮分明節候論

便設軍容示西域

時哈薩克布魯特塔什罕回人等皆令預觀

仁看露布

靖堅昆

邇日盼將軍兆惠喜音殊切於懷

好齊以暇千旂飈既正還

奇萬礮喧風日晴和士挾纊非予恩也總

天恩

苦衷

苦衷早已賦西師孰謂頑回尚守持當俎刀操終必



割在弦矢發可容遲獨慚

天與人歸會竟致窮兵黷武嗤師直理長觀事定目前

浮論付憑伊

欽定皇輿西域圖志卷首二

欽定皇輿西域圖志卷首三

天章三

元旦試筆

祥啟屠維冒茆駢青陽一律遍三千歲開

天紀欣迎祚月建王正勵體乾磬管韶英宣太簇衣冠

鴛鷺圓于闐

時賜漢昭巴爾公品級冠服

諸軍昨報平安信實沐

恩禧意倍虔

將軍兆惠等與賊回相持昨據舒赫德奏報降回至阿克蘇者言我軍中有一厄魯

特逃出至回軍稱我營內掘地得回人埋糧百餘容  
且布魯特又侵彼喀什噶爾城以此兩和卓木欲議

和而  
我將軍不允此際舒赫德已領兵進  
援計日可到餘糧之獲實賴天佑也

爆竹千門達曙鳴  
鞠陵初旭耀晨明  
土爰稼穡資豐

稔木盛春陽肇發生  
南北東西共文軌  
京垓億兆願

康平金川耆定溯前已

平定金川乃已年今歲又逢已實幸理紀之符願遂武成

慶之 仝叶貞符聽凱聲

降旨免陝甘兩省正供並積欠詩以紀事

西海有征師卒未得息事  
屈指軍興來  
屈今凡四歲

準夷則蕩平  
逆回尙稽繫國威  
屬觀瞻欲罷焉能置

厚集我軍容  
益勵我士志  
乘春期一舉永靖遐荒謐

叶 肅涼近接邊輓運最勞勩  
連年免正供預豁庚辰



逮復思陝連甘豈無所波及叶體察將並寬降旨付  
連帥其餘雜欠項概免大施惠肯因討小醜而傷我  
元氣申命良有司推行俾均被

新正瀛臺小宴御前藩王大臣及漠哨吧爾

運斗屠維單闕迴順時行慶合瀛臺千羣尙可冰嬉  
試三接都教春宴陪屏翰何妨廁蔥嶺歡娛齊說到

雲來鵠場晴靄因觀討

是日發十五矢中十三蓋外  
夷雖宜宴賚厚惠尤當示之

以射獵之事彼  
更樂亦畏服

示遠寧徒好樂哉

故大學士黃廷桂輓辭

欽定皇朝四庫全書

華鐙廣樂正陳時扼掣驚聞辰尾騎

慈慶朝儀難並輟強酬節物淚雙垂

屈指軍興逮五年儲胥事事合機先

凡軍需事宜有經朕先時規畫

而傳諭批示甘肅尙未奉到者及郵牘至無不適相照合

宜惟良弼蒼生福痛惜

摧心敢問

天

馬利軍行粟賑民彌留兩事尙諄諄

遺疏內深以調飢馬匹及地方

賑卹諸務籌辨未竟爲憾覽奏盡傷不忍終幅

鞠躬盡瘁今誠已葛亮而來

此一人

成功諸將士朝謁詩以紀事

上巳日凱宴成功諸將士

有序

射八韻

駐防葉爾羌大臣阿里衮等奏報諸回城於三月

下旬得雨詩以誌慰

有序

八月十八日恭奉

皇太后木蘭行圍啟蹕之作

九月朔日作

塞宴四事



木蘭迴蹕至避暑山莊作

射

萬樹園賜宴卽席得句

萬樹園觀燈火

奔藏西師俘獲軍器於紫光閣詩以誌事

有序

武成殿作

尊藏得勝

靈燾於紫光閣詩以紀事

有序

紫光閣寫功臣像及諸戰圖畢集讌落成爰賦六

韻仍疊四章 有序

紫光閣曲宴外藩並回部詩以誌事

戰圖補詠 有序





欽定皇輿西域圖志卷首三目錄

天章三

元旦試筆

降旨免陝甘兩省正供並積欠詩以紀事

新正瀛臺小宴御前藩王大臣及漠咱吧爾

故大學士黃廷桂輓辭

降旨加賑甘省被災州縣詩以紀事

有序

述懷

賜將軍兆惠書扇

賜副將軍富德書扇

軍書

元正太和殿朝會庸作歌

降旨免甘省辛巳年正供詩以紀事

邇日

御午門受俘馘

瀛臺曲宴外藩

新正恭奉

皇太后幸圓明園卽事

上元前二日萬壽山賜親藩及諸回部宴詩以紀  
事

上元夕恭奉

皇太后觀燈火

燕九日作

太液池泛舟卽事

恭謁

孝陵

恭謁



景陵

二月廿一日恭謁

泰陵啟蹕疊乙亥韻紀事

將軍兆惠富德差乾清門侍衛來請安詩以賜之  
恭謁

泰陵

二月廿七日郊勞出征將軍兆惠富德及諸將士  
禮成紀事

三月朔日御殿定邊將軍兆惠副將軍富德等率

運籌力疾尙勞心驛館誰爲下鵲鍼

時以督辦軍需赴涼州雖抱病

日劇猶勉力視事邊地素少良醫經布政使蔣炳奏聞卽命福隆安挈御醫前往診治甫行而惡耗遽至

可勝賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

降旨加賑甘省被災州縣詩以紀事

有序

甘涼爲西陲轉饟孔道土瘠而風醇其民受直執

公旬惟謹給復蠲逋之詔歲旣數下其偏隅以薄

禋告者廩餼優卹訖於夏五顧念時未登秋節方

居閨心有懃焉申命貸之牛種仍予展賑三月庶  
幾綏我蒼赤資彼青黃卽事攄懷以當咨牧

涼肅窮邊末鮮逢溫飽家何當運餉苦更抱被災嗟  
討逆非容已思艱詎有涯豁證明歲預繼賑到秋賒  
不窘寧無窘雖加再可加所希歌載戢萬戶樂休嘉  
述懷

勤遠非本意乘時賴

天佑予曰有禦侮予曰有奔走準夷永蕩平敢詡武德  
茂賁緣討逆回戰勝頻捷奏重賞實未惜神勇亦屢



邁逼巢堅城下強努致逗遛羽檄繼進軍重圍急援  
救夾攻士氣張况當疊破寇肉薄豈不易傷衆予心  
疚以此令稍戢齊力圖其後惟是閱時久待秋乃功  
就枕戈衆効忠擊鼓吾哀鬪焦勞分所當萬方均在  
宥廛彼此詎忘乾惕惟益懋

賜將軍兆惠書扇

火嶺炎蒸劇將軍未解鞍國威揚萬里臣節率三單  
贈獎赤心篤持同白羽看黃香思漫引存問悉平安

兆惠母年高  
時遣人存問

賜副將軍富德書扇

師進和闐路擣虛事夾攻恩威僕儻識甘苦伍偏同  
推解厘予念馳驅勵汝忠箠頭題句贈回部播英風

軍書

軍書清曉到兩回城已定

葉爾羌喀什噶爾兩大城其兩城所屬小城更以十

數計皆已傳檄而定

賦役及建置惟將軍所令

將軍兆惠等既收撫回中諸城

請酌定賦役視噶爾丹策凌時徵取之數分別減有差并定錢制廣圍銖兩正而用天朝年號而以城

名回字附之於背其建置官屬自三品至五六品詳系職掌名目則各緣其舊俱降旨如所請行 道

逃雖有挈捨而來相迎詢以所去方乃無可投境

叶

軍中得同人詳詢逆賊潛逃跡踪云初議投安集延  
既懼爲布魯特劫掠繼又得拔達克山伯克回信以  
往投人衆其地必不能容二酋不得已暫匿附近之  
塔益騰地方或就彼竄入塞爾古爾土城苟延殘喘  
計大兵一經圍壓  
可以立就俘獲矣  
羅騎遮其前大軍逐以競此舉或  
成余載戢載橐詠佳兵詎得已討逆惟義勝藉衆集  
大勳盟獨欽

天命

元正太和殿朝會庸作歌

晨參晝食肅朝儀正殿春融赤羽旗考夏綜周原舊  
典戛球舞籥迓新禧十年一舉寧爲數

正殿朝會雖  
舊典然率不



舉行庚午以平定金川又朕四旬之慶故一舉行茲西師武成綏服回部拔達克山安集延哈薩克布魯

特皆稱臣入貢兼值五旬大慶故命循例宴饗萬國來同倍切寅吏治民生

厘宵旰問方詎止藉斯時

祥光瑞葉玉樓樓慶恰占年景福禔者定不期徠默

克安和惟是洽羣黎漫陳漢殿魚跳水却聽天方鳳

奏西時將軍兆惠自葉爾羌得回部樂奏送適至因命於大饗所陳之部未肄之其器有大小鼓簫

管提琴洋琴之屬其伎有倒刺都盧及承盃轉磔之屬簪筆誰成元會賦持盈

應悉敬彌躋

降旨免甘省辛巳年正供詩以紀事

邊省民風淳是予亟嘉眷師旅所由經能無勞郡縣  
連歲免正供給值酬輸轉遇災仍賑恤閭閻期惠遍  
卽今縱武成休養寧當緩叶預免循向例去歲卽預免今歲正  
供矣初春頒渙汗惠心勿問吉助陽實政見

邇日

武成歌振旅長途歸凱軍汜勝占三白積玉遍塍鱗  
邇日更有喜次第奏章聞王畿固普被河南北亦均  
於東逮登萊於西則晉秦江浙及荆襄盈尺報鋪銀  
深消遺蝗種淨蠲癘氣氛兵後不易值何修沐

天恩敬勤惟益黽遑敢忽笑頰休養恆願額慶同吾民

御午門受俘馘

函首霍占來月竊傾心素坦款天閭理官淑問寧須  
試驟騎窮追實可臧西海永清武保定午門三御典  
昭詳從今更願無斯事休養吾民共樂康

瀛臺曲宴外藩

仙臺曲宴荅詔年舊典惟遵懍懍聯北漠戶庭真密

邇西瀛裘帕許參連

蒙古王公等朝正來者賜以曲宴歲以爲常令歲並令回部來



使入席且奏回樂 兜離歌與任儻舞拔達山將安集延近悅

遠來寧易易側身基命益乾乾

新正恭奉

皇太后幸圓明園卽事

西山積素喜迎人今歲韶春果是春振旅三軍前後

接朝天使者到來頻

時諸部並遣陪臣入觀安集延使陀克塔瑪特等拔達克山使

額穆爾伯克等已先後與宴而布魯特所遣西拉噶斯等亦即日抵京

逃疏率與光明

耀勞徠猶宜燕衍申略得對時博

慈豫

壽徵福履自駢臻

上元前二日萬壽山賜親藩及諸回部宴詩以紀  
事

萬壽山光隔歲看初韶行慶駐鳴鑾朱琴儀鳳調伶  
史翠釜供羊出大官詩孰蔡襄詠嘉祐節同景德宴  
蒲端何期戎索茲開拓敬保金甌永乂安

上元夕恭奉

皇太后觀燈火

樓頭歲歲奉

慈娛今歲

慈娛勝且殊樂聽侏離復儵侏舞看跳劍與都盧明燈

忽綴千珠網翠火全張

萬壽圖所喜

萱階紆念切敢誇蒲海奏功膚

燕九口作

七日燈宵一日餘

自十三日放燈至十九日收燈共七日

樓西婪景醮

渠胥纏頭羣喜瞻天表挺臂何妨挽月虛

是日令辯馬上諸技

畢復親率近侍諸藩較射命矢壘中俾回使觀之蓋外夷所重惟武燈宵百戲彼雖愛觀不至如此驚服



也 慶節發陽原典故騰輝吐焰尙龍魚新年百務咸

亨順爲去聲是矜矜益凜予

太液池泛舟卽事

錫宴花門備禮容乘閒蓬島泛游龍舟名仍攜帕首俾

同樂所喜葵心總致恭春水生來蘭葉細霽烟低處

柳條濃西瀛試問爲何若道是奚如天上逢

半月韶光爾許殊冰消漭沆水平湖更逢雨霽祥暉

候可喚仙遊碧海圖理趣鳶飛復魚躍生機白芷與

青蒲對時懷遠胥和順益凜虧盈奉化樞

恭謁

孝陵

隔歲我來東

珠丘敬告功

衣冠天浩渺松柏歲青蔥凡此封疆拓永維

庇蔭蒙蓋臣皆努力幸與創時同

恭謁

景陵

西域已班師

東陵展祀宜關疆二萬里奏績五年期

默默深叨佑悽悽更益悲敢云成

祖志

祖志注今斯

二月廿一日恭謁

泰陵啟蹕疊乙亥韻紀事

東歸既歲

祀西來緣上

陵啟蹕疊舊韻往事迴憶生

舊作有命師奠西極有  
事告 二陵之句

逆



者畢掃穴順者胥來庭展謁叩

默佑首頓駐翠旌拓疆萬餘里告功五易星郊勞循

祖典卽看舉回程將以二十六日告功禮成旋蹕

卽於翌辰詣良鄉縣南迎勞其築壇張幄列  
拜天諸臣以次行禮謁一遵  
祖制蠶

將軍兆惠富德差乾清門侍衛來請安詩以賜之

數年萬里未爲遙遙在將逢隔五朝却爲勞儀待旋

蹕時將軍等凱旋近郊擬以二十七日  
上陵回程具儀迎勞  
如三秋念轉無聊

恭謁

泰陵

質明峯樹辨

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷

九天默佑恩二十五年如一瞬

鼎湖迴憶痛難言

二月廿七日郊勞出征將軍兆惠富德及諸將士

禮成紀事

京縣郊南親勞軍

園壇陳

燾謝成勳出師本意聊嘗試

西陲之役始於厄魯特諸台吉率眾款附請兵

甚力我喀爾喀牧圍勢不可以錯處滋患無宥及其鋒而偏師嘗試特計因其地以撫之故禡旗命將

之典概未舉行謹具乙亥告成碑記茲準夷既平而回中諸部以次戡定實荷上蒼宗社鴻庥

非敢謂先時逆睹及此也奏凱今朝備禮文釋甲弢戈罷征伐論

功行賞策忠勤膝前抱見詢經歷

國朝舊制凡出征將領成功還者行

抱膝跪見禮以示優異今即遵行一瞬五年戚以欣

同心萬里那睽違畢竟歡言賦采薇勇將歸來兼福將黻衣著得解戎衣漫稱偃武修文日恐即嬉文恬



武機飲至寧誇暢和樂持盈益勵慎幾微

三月朔日御殿定邊將軍兆惠副將軍富德等率

成功諸將士朝謁詩以紀事

黃麾簇仗正衙排奏凱來朝樂孔皆脫劍釋冰搖玉  
珮卷班按隊叩金階幸逢耆定干戈戢况值熙和風  
日佳范士變言予敢忘惴矜保泰是長懷

上巳日凱宴成功諸將士

有序

筵開飲至剛逢禊飲之辰苑啟瀛臺恰奏濛瀛之  
績於時上公晉學青郊解甲初還蕃長敷茵黃幄

纏頭列侍宮懸陳百部將回中樂府齊登錫爵徧  
三巡以閣上圖形爲次詎因詡挾纘投醪之惠期  
得杼推心造膝之忱且食刀闐璧偕來包匭宜酬  
其効順而紫綺朱提並賚簽名合第彼成勞從茲  
凱宴遐宣足使天堂知樂是用寅承永切毋忘月  
朏依光非矜七德升歌爰藉八章紀實

出勞嘉勳葳禮旋昇平凱宴液池壩闢疆掃逆誠資  
衆助順成功總賴

天策績林林恩子厚詢勞一一命來前靈惟云不重生

望祇覺迴思越悚然

日麗風和春未深  
獎庸備禮有壬林  
試看偃伯靈臺上  
詎數流觴曲水潯  
命預綺筵排伯克  
也陳夷樂奏  
任禁笑聆蜀伎無  
情者那覺西悲動  
乃心

圓幕高張榆柳垂  
犒筵喜值禊修時  
策勳舍爵竟今日  
鬯武書常允不期  
誰擬浯溪泐崖頌  
我歌靈夏出

車詩紫光將畫凌烟像

西師威成大功自元臣及在  
事將軍參贊禁衛統領諸臣

第其勳績懋著者命工  
圖形紫光閣以崇獎勵 穆棣同叨

乾貺貽



成功將士錦衣旋日月光輝軍氣蠲藉我虎臣典宿

衛笑他杯酒解兵權

將軍兆惠副將軍富德既以酬庸晉爵均命為御前領侍衛大

臣宋藝祖權術駕馭夙所鄙故戲及之

八旗子弟心如石萬禩國朝龍

荷

天宣看瘡癥猶未愈

三等侍衛綽克圖魯恩特驍勇過人臨陣不避鋒鏑今預宴賜

酒時撫其額傷猶未痊復為之惻然

能無一體痼瘕連

柳舒花放正良辰上日前期福履申

三月三日為上巳然是日始戊

申故云

卸甲韞弓盡鳧藻凹晴豐額集魚鱗千秋難遇

太平宴百戰歸來義勇身獨憶儲胥宣力者

故大學士黃廷

桂綜理軍儲調遣諸務備殫忠勤未及武成蓋焉先  
逝故前賜詩有奪我賢臣何太劇不教留看凱歌迴

之句 凱迴未見惜斯人

敦瓜烝栗允堪憐二萬何期竟拓邊遠愧周王興六  
月遲過殷帝克三年伊楊霏雪凡經幾立幟登弧盡  
陷堅此日征夫真邇止皇州春滿七條絃

拔達山人獻馘歸三軍飲至藹晴暉勞心幸我紆宵  
旰公道憑伊論是非紫綺朱提頒渥澤前歌後舞迓

鴻襪歡來憶不同來者軍典以來我大臣將弁等咸以蓋忱自奮其間有遇阿逆

之叛如將軍公班第參贊伯鄂容安遇疇爾藏多爾  
濟等之叛如寧夏將軍和起而追色楞之逃者如副

都統唐喀祿誤聽沙拉斯噶斯之詐者如都統滿  
福至遇回酋和卓木之叛如副都統阿敏道前鋒統  
領鄂實副都統三格侍衛特通額總兵高天喜而奉  
命在途猝遇亂賊如將軍伯那木扎爾參贊侍郎三  
泰其巴圖魯侍衛中之奇徹布巴宜阿宜古禮富錫  
爾璠綽爾圖等並能以死勤事秉節捐軀雖加恩優  
予旌卹而當功成飲至時迴  
念義烈炳然尤不勝雪涕云勞爵手持淚暗揮

芳節延禧淑氣清  
袂歌聲是凱歌聲元戎允合躬成  
袞勇校均教手賜觥  
藉衆力茲疆地戒勅予心永奉  
天行從來悟得受招理  
虔鞏流謙慎捧盈

射八韻

有序

門啟賢良掄材式資觀德階陳蕃部肄武兼示柔



遐爰循聽政常程庶愜依光夙願耦聯十五子臣  
之鵠並張雋獲疊雙齊夏之規胥叶以身先爲則  
詎詡穿堅扎七重俾目擊而存共喜侍長楊百步  
將告成功而匪懈益遵

先制以彌勤華林百戲異靡文差不負春園日永壁上  
一觀同壯志鎮毋忘朔塞風清

勅幾協九經量職授明廷志敢懈耆定治惟求永寧  
大蒙胥列侍中國式儀型繁弱月觀魄四侯星寫形  
匏音鳴未已鵠影落無停擅巧非誇已綏遐所適丁

由來重弓矢庶以鬯聲靈

赫濯於昭在欽惟

懿訓聽

駐防葉爾羌大臣阿里袞等奏報諸回城於三月

下旬得雨詩以誌慰

有序

諸回城旣隸版圖人忻復業駐防大臣循行勸墾  
插蒔方興而三月二十一二十二日兩晝夜甘霖  
大沛葉爾羌喀什噶爾和闐洋阿雜爾同時霑渥  
回人忭舞款告詒爲希有阿里袞等以聞回湟古

稱艱澤之鄉比歲復苦逆會蹂躪茲獲

天仁降鑒槁壤頓蘇視前此師行瀚磧嘉澍應時均深

感荷因欽

鴻貺載紀長言

蔥嶺火州致艱雨一犁

天澤沛今春灌田不藉穿渠力利穡都欣纏首人校尉  
方將設戊巳

神農未始禱庚辛遙遙萬里祈年望敢詡休徵益敬

寅



八月十八日恭奉

皇太后木蘭行圍啟蹕之作

每歲金秋舉獮苗悠悠旌旆馬蕭蕭承

歡內外都無間繩

武觀揚亦孔昭示法子孫從啟蹕每歲木蘭行圍諸皇

也隨圍賓客扈來朝今年蒙古諸賓客以祝萬壽新

攜回部鶻師赤回部霍集斯等皆令隨圍彼中放雕

謂之錫保高處興安試放雕雕鶻宜於高處就下放

赤之類  
重若回部厄魯特則以此為重云

九月朔日作

秋季惟朔旦塞圍第一場千山斂雲氣萬樹絢晴光

迴嚙鴻網台深溪魚貫長咸賓逮回部

入觀之都爾伯特親王策

凌烏巴什等向會預觀塞圍其回部會長霍集斯伯克霍什克伯克等以賜爵留居京師並屬橐鞬從獵

則自今歲始云 執役有名王 舊扎薩克王公台吉等率所部蒙古隨圍執役歲以為常 柔

遠繩

先切詰戎寓意良寧當懈幾務獵罷閱封章

塞宴四事

詐馬

詐馬爲蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人爲咱馬蓋呈馬戲之後則治筵以賜食耳所云只孫乃馬之毛色卽今蒙古語所謂積蘇者是亦屬魚魯茲扎薩克於進宴時擇名馬數百列二十里外結束鬣尾去羈韉馳用幼童皆取其輕捷致遠以鎗聲爲節遞施傳響則衆騎齊騁羸馱山谷騰躍爭先不踰晷刻而達掄其先至者三十六騎優賚有差所以柔遠人講武事也



名王詐馬存遺風獻筵備陳表敬恭廿里以外列駿  
驄置郵傳命聽發蹤宣教施銃星火紅連聲遞令頃  
刻通砰磕萬雷忽落空翩若驚鴻逸若龍雲屯颺歛  
倒呂洪旁唐閃霍復春容振林駭谷躡鼻夔平沙草  
軟淨塲逢駛騾束尾縮其鬢輕方致速騎以童捷足  
獨出傑且雄選三十六惟良駮按第行賞務從豐只  
孫古俗想像中和樂還因寓詰戎

什榜

什榜蒙古樂名用以侑食今俗所謂十番或因此

楊萬里詩有全番長笛橫腰鼓一曲春風出塞聲  
之句蓋樂曲名番本塞外語而傳譌耳其器則笳  
管箏琶絃阮火不思之類將進酒輒於筵前鞠脰  
奏之鼓喉而歌蘇羅赴節有太古之遺音焉

平原擇向圓幕張酪酥乳酒湘黃羊名王捧觴起上  
壽較漢公卿禮數詳渾撥四火不思曲長朔管如鞭  
吹鳴羽發徵氣內運叩角動商響外披初奏君馬黃  
大海之水不可量  
曲首繼作善哉行無貳無虞式穀友  
朋誰云朔漠無古樂絕勝鄭衛爲新聲我惟中外一

家用聯上下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布克脫帽短構兩兩相角以搏踣仆地決勝負勝者勞以卮酒卮魯特則袒裼而撲雖蹶不釋必控首屈肩至地乃爲勝彼嘉其壯賜之羊臠則拱臂探掬顧盼吐吞聲若飲獸其舊俗如此因以示惠云

健兒揜袖短後衣席前相撲呈雄嬉押拖拗拉矜矜



棋踉蹌踖踖且蹙乘間伺怠出以奇恧然躡蹶力  
不支勝者賜酒踞飲之別有厄魯均新附其撲法乃  
異舊部露身赤脚惟著袴撇捩踖踖空拳赴失計忽  
仆伏地據騰跳翻作康王跨兩肩著地頭倒豎方得  
謂之決勝負勝者揚揚意實歡負者反求微覲顏宣  
傳典屬呼來前上方肥羊出廚盤長截碩臞如舉山  
七箸不設俾恣餐誰識不足君所言快哉大嚼真壯  
觀豈對屠門空望懸跪振雙臂攫相搏右哆左噏直  
下咽倏似長鯨吸百川意氣自若殊昂軒均令染指

果腹便小哉食肥張齊賢是蓋衛拉衆俗傳示恩獎

勇一試旃食罷命前面詢焉弗茲食者閱十年

據云準噶

爾自喇嘛達爾扎構釁以來日就凋敝不得如此飽啖者十年於茲矣

### 教駢

教駢攻駒周禮雖載然後世僅知攻駒而不能教

駢蒙古則熟習其法謂之騎額爾敏達驛馬三歲

以上曰達驛額爾敏則未施鞍勒者也每歲扎薩

克於所部驅生馬多羣至宴所散逸原野諸王公

子弟雄傑者執長竿馳繫之加以羈韉始則怒騁

駮超或豨突人立嘶嚙雷殷馭者騰趨而上控掣自如須臾調良率得名馬

二歲為駒不勝鞍三歲為駮始堪教夏官庾人早失傳未若朔漠存古調扎薩戲宴必備觀分羣別色陳平原檀廬賜食較撲罷按轡一覽同名藩名藩子弟

皆吉服上馬執竿好結束

馭生馬者必馳騎逐之覆衣縮帶持尋丈竿繫革短

其上以為控繫俗名套馬竿

歐來萬錦歛披前光采陸離紛奪目

薄言駒者有驕皇驛騶駟駮黃繫之維之取傑驚緹絆未及先跳梁齟草飲水本天性鞮鞞乍拘自



覺病驚軼狂擲詎能無處之以暇堪力勝牽來蹠蹠  
人爭騎驀跨那待羈馬施擢足軒立忽落地翻身騰  
鷗捷於飛盡態極變不可狀驛突雄驅若翻浪毛龍  
逸虎旋就馴人有餘閒據馬上馳驟靈供耳目娛駮  
騃駮耳中掄諸憑閱考牧悟至理不教而成事所無

木蘭迴蹕至避暑山莊作

鹿期促駕駐兩日塞上行圍倏又迴美土如斯可漫

去遠人爾許况攜來

時回部郡王霍集斯伯克等自京隨駕都爾伯特親王策凌烏

巴什等以入觀扈從秋蒐而哈薩克陪臣都勒特赫勒等亦赴木蘭朝謁既命觀圍並攜至山莊錫宴

從容宴樂應教預假借清涼得久陪繩

武惠遐綿奕葉山莊嘉兆自

天開

射

射是朝家夙所長承平遊豫那宜忘攜來新附控弦  
部駐此

當年避暑莊親御矢弧聊示度數班幣帛用旌良樹侯

疊中休稱頌

是日發矢二十七中十之九破的者六  
及易小鵠復連中舊部新蕃暨哈薩克

陪臣侍觀者無  
不喜躍稱異

敬仰

前猷敢不覆

萬樹園賜宴卽席得句

小陽春旭暖温暎今日筵開萬樹園屈膝捧觴逮鹽

澤纏頭式禮厠花門

回部郡王霍集斯伯克等及哈薩克陪臣咸預宴

敢云

一已承

先烈或可千秋示後昆坐有鑿鋸如舊僕偏稱兩度沐

深恩

策凌烏巴什等以甲戌夏入覲曾宴賽於此今入舊扎薩克之列賜坐

萬樹園觀燈火

巖風傍晚淨魚鱗東望錘峯挂壁輪塞卽京華林卽



上燈原嘉夜月原春千枝蠟鳳燃銀樹百道星虹落  
玉津義寓光明輝芻爽寧云誇示遠徠人

奔藏西師俘獲軍器於紫光閣詩以誌事

有序

幕庭收絕域運翊風雲臺閣應中台圖兼將相軍  
儲森列旗常已炳上方陣獲便蕃仗械胥登武庫  
甲函青瑣得自前驅脫胄之時鎗委綠沉出諸後  
隊伏敬之會貫矢詎來肅慎應知貳負先僵佩刀  
疑壓赫連早識溫禺久釁掃蚩尤之長彗還帶鼈  
纓轟尸逐之鋒車曾資鉛彈凡此勳銘百戰無須

漂杵矜奇方當績著九功用藉包戈紀實云爾

高閣巍巍表蓋忠棄藏俘獲類從同戢干橐矢肆時

夏奪鎧拳旗藉衆功信可傳神留百世寧稱屈指數

三雄器書名例太常紀 甲冑旂纛之類孰所獲者一各書名其上以誌永久

善吾惟憶莫窮

武成殿作

紫光閣後殿因額武成名千載丹青貌五年宵旰情

被

天恩獨厚資衆力斯誠那更生餘望迴思幸以驚

尊藏得勝

靈燾於紫光閣詩以紀事

有序

亭鄣靖金牙威宣載旆燧烽銷洱海德表結旌爰  
開高閣以圖形并奔

靈旂爲守器原夫一麾臨闔外彌文不侈  
禡襪七宿炳

壇中壯志初傳饒鼓方過祁連而壓陣千山風鶴騰  
聲更驅疏厲以揮軍百部沙蟲埽跡昔也緬李程  
刁斗遜是森羅今焉輝褒鄂弓刀逾其英特彼龍



堆邈矣詎惟銅柱齊標而虎紐纍然合與金符同  
譜從此電霜生色匪徒充武庫之儲還將日月承  
華庶永隸奉常之掌

麟閣圖形例紫光大師

靈燾並尊藏招搖伊古資

神佑功績從今紀太常信是元戎篤忠悃肯忘羣力  
効疆場持盈知足懷

乾貺敢復佳兵恃盛疆

紫光閣寫功臣像及諸戰圖畢集讌落成爰賦六

韻仍疊四章

有序

勳標偃伯烟銷濛汜之氛蹟炳圖形雲擁趨陂之  
勝時則掄偉績而系贊先教褒鄂傳神逮一善亦  
臚名乃屬鄒枚紀實匪詡天經地緯恰符五數之  
重真逾漢史唐書能觀百賢之萃且聚米狀山川  
阨塞壁間八陣常存而列星占旌纛飛揚磧裏參  
旂盡掃試按昇平王會詎惟萬里而遙爲思宵旰  
軍書何幸五年式集昨者歸而飲至行觴趁上巳  
良辰茲焉落以慶成展席繼先庚嘉宴凡在股肱

心膂藉國家翊運多才應知竹帛旂常承

天

祖垂庥永靖維億載綏遐有象已被丹青予一人持滿

彌殷長鑄金石

閣就勝朝址

見日下舊聞

圖標昭代勳格慙虞帝羽數過

漢時雲

閣中圖功臣像勳績顯著者五十人朕親製題贊餘命儒臣擬為者又五十人視雲臺二

十八將不啻倍蓰

大造無私佑諸臣實盡勤五年勞突將此日幸休軍有

覺上林表斯干液水瀆落成緣戢武錫宴重

去聲 摛文



建置惟旌績運籌匪詡勳永期紀勞勩寧爲去聲賞煙

雲保大

天垂貺開遐予敢勤帑原出內庫督未命將軍掄武駐

冬日

每科武殿試例于閣下校閱騎射及諸技勇

慶成臨沼瀆詰戎求

世德

寶訓揭鴻文

恭讀太宗聖祖世宗實錄中飭武備懲晏安爲萬世大法者敬勒石

閣中以昭彝訓

伊犁征不戰五月已成勳將謂業安石誰知事幻雲

驅馳常廛遠擘畫不辭勤最恨庫車轍深虞黑水軍

事均見歷年詩章 轉旋叨

吳粹仍執竟淮濱始末親籌筆其觀勒壁文

經畫西師前後所製

詩文於成功端委運籌次第綜彙刻石壁間示誌實也

衛拉勞

前烈

厄魯特舊謂之四衛拉特

重華與

放勳敢云成不日惟凜望

如雲載先

去聲

傳柑宴允嘉荷戟勤歸春舞干旅洗雨伏

波軍風嬾中和樂冰酥太液濱賡歌鴛鷺侶可以共

論文

紫光閣曲宴外藩並回部詩以誌事

值歲外藩入覲顏新增伯克序年班四方來賀誠非  
易三接推恩未可刪筐篚兩廂頒等第魚龍百戲鬪  
斑斕西師繪壁思羣力敢曰折衝尊俎間

戰圖補詠

有序

西師定功於己卯越七年丙戌戰圖始成因詳詢  
軍營征戰形勢以及結構丹青有需時日也夫我  
將士出百死一生爲國宣力賴以有成而使其混



滅無聞朕豈忍爲哉是以紫光閣旣勒有功臣之象而此則各就血戰之地繪其攻堅斫銳斬將搃旗實蹟以旌厥勞而表厥勇爾時披露布已有成詠者卽書之幘間其未經點筆者茲特補詠凡六事禮不云乎聽鼓鼙之聲則思將帥之臣撫是圖也有不啻若彼之感先是宵旰勤勞雖日神馳於連營列陣之間此則目擊心存竟如指揮諸將士於折衝禦侮之際而痛定之懼予惟益欽

天眷於無窮凜月盈於有永遑敢自詡坐謀伐赫濯而

忘兢業哉

鄂壘扎拉圖之戰

丙子冬將軍兆惠聞準噶爾宰桑等煽亂自濟爾哈朗移兵甫至鄂壘扎拉圖突遇達什策凌等賊衆無算因乘其不備夜出衝殺殲千餘人爾時噶爾藏多爾濟扎那噶爾布等渠酋會兵邀歸路連戰不退兆惠等且守且進適朕所遣圖掄楚等援兵至并力夾擊賊始解圍遁去我軍全隊迴至巴

里坤

以誠馭詐致相輕

阿逆竄跡哈薩克勢將就縛乃以  
誦計緩師將軍達爾黨阿不審虛

實按兵待獻遂失事會而厄魯特宰桑之  
從征者既心輕將帥所為因復同謀變亂

哈薩纔迴

譎變生戊己駐營攜少卒

時兆惠為副將軍駐兵濟  
爾哈朗所攜不過偏師鎮

守伊犁等處而已猝值叛賊  
全集因以少擊眾全軍而出

螳螂怒臂阻前程直何

畏曲中宵出一可當千眾賊驚竟得全師逢接騎整  
軍後八大功成

### 庫隴癸之戰

庫隴癸附近伊犁我師三入勦賊時叛黨昂克圖

塔爾巴等四宰桑據險藏匿兆惠所率將士纔入



十餘人夜進山口鏖戰時曉霧迷漫布庫圖特克爾得克二宰桑脫身逃去其餘悉被斬獲時戊寅三月十六日也

威弧有事射天狼三穴窮追那許藏挺險賊人雖鼠竄擣虛士氣正鷹揚五更直襲屯營寨兩騎先收牧

馬羊

兆惠於奪險攻賊時分遣侍衛扎延保投誠厄魯特達什車楞二人收其牧羣以故賊不能脫

以少擊多張撻伐將軍誠勇著旂常

通古思魯克之戰

霍集占兄弟負恩各據城反將軍兆惠既定庫車

烏什等遂直抵葉爾羌薄城南賊眾馬步二萬餘  
 兆惠所領兵不過三千率以渡黑水河者纔五百  
 騎迎敵血戰適喀什噶爾賊黨後至我軍遂結營  
 固守經冬涉春己卯正月援兵繼進克敵奏功故  
 繪通古思魯克之戰以紀攻伐葉爾羌回城初交  
 遇險之始事云

兩回會昔因莎車得地忘恩應去聲剪除赤翟蜂屯助

白翟僑如狼顧庇榮如渡河騎卒五百耳背郭賊將

二萬餘守壘竟同援兵進

時副將軍富德奉命領兵  
 在道因命速進赴援而參

贊大臣阿里衮所辦巴里坤馬亦刻期至軍營遂大  
敗賊人兆惠等全軍已出然計我師掘壕守險已及  
百日  
忠誠迴憶益欷歔

### 霍斯庫魯克之戰

逆會因葉爾羌喀什噶爾既破失其巢窟悉衆逃  
竄參贊大臣公明瑞於閏六月十五日選兵邀截  
偵知兩會暫息塞爾古勒是地爲去拔達克山安  
集延兩處之要路時二會欲赴拔達克山而賊之  
衆伯克悉力窮追至霍斯庫魯克賊避其輜重婦  
子以六千人登山成列我軍先至者九百騎卽奮



勇仰攻轉戰三時斬馘數百俘其男婦駝馬賊遂  
轉向拔達克山一路而逃明瑞仍督兵追躡後會  
副將軍富德等軍有阿爾楚爾伊西洱庫爾淖爾  
等處之戰

回城既定進追兇雙耳山前竄跡逢

回語霍斯庫魯克者華言雙耳

也賊已六千橫據嶺兵纔九百仰攻峯遮回安集延

逃路直躡拔達

平聲

山去踪將卒同心奮敵愾千秋國

史勒勳庸

阿爾楚爾之戰

二會於霍斯庫魯克爲明瑞所創懼我師勇銳難當設伏於阿爾楚爾兩山峯頂以待我師時富德明瑞等軍皆合諸大臣集議衆寡相殊彼又先據險要非整旅結陣難出萬全因以健銳營火器當其中堅更張兩翼設奇兵統計以三千人之衆克敵致果所傷者一卒殺賊至千餘人陣斬其大伯克數十始披靡逃竄急追躡之遂及之於伊西洱庫爾淖爾

霍斯庫魯遁餘魂合旅窮追至水源蕃部勤王隨契

苾

時布魯特皆隨軍爲嚮道

旗軍勵志定堅昆蚩尤所恃依重險

風后宛同握八門健銳營兵精火器雪山倏作陸渾

原

伊西洱庫爾淖爾之戰

我師乘勝追賊七月十一日抵伊西洱庫爾賊復

據山阻水此地山高石危淖爾緣邊僅容單騎大

和卓木波羅泥都先據山嶺爲往拔達克山之計

小和卓木霍集占以衆賊阻絕淖爾隘口與我對

敵我兵分布攻擊豎纛招降衆賊跳崖丐命阻水



者蹂躪淤泥中霍集占止之不能遂奪馬繞山會  
其兄遁往拔達克山我軍直入其境索取賊魁自  
是之後兵不血刃矣

三交三勝武魏雄

霍斯庫魯克阿爾楚爾及此凡三戰皆以少勝衆

黠鼠徒

嗟五技窮一綫汭溪進魚貫千尋列嶂突蠶叢遊魂  
釜底雖潛脫馳檄天邊竟定功歲事追思臨事慎持  
盈永以勵深衷

欽定皇輿西域圖志卷首三